



**Notat**

Dato: 13.05.2015  
Arkivsak: 2015/5070-1  
Saksbehandlar: birhau

---

Til: Opplærings- og helseutvalet

---

Frå: Fylkesrådmannen

---

### Svar på oversendingsforslag vedkomande eksamensdatoar

Fylkesrådmannen viser til møte i opplærings- og helseutvalet 15. april, der representanten Dan Femoen (H) sette fram slikt oversendingsforlag:

*«Det er viktig at elever som ønsker å ta eksamen på videregående skole skal få anledning til dette. OPHE ber om en sak der man koordinerer eksamensavviklingen mellom ungdomsskolen og videregående skoler, slik at man kan forhindre eksamenskollisjoner. I denne anledning bør man også se på eksamensavvikling av de nasjonale eksamener og privatisteksamener.»*

Dei vidaregåande skulane og eksamenskontoret for privatistar har kvar vår og haust eksamen i om lag 500 fag. Det vert arrangert både lokalgitte eksamenar og sentralgitte eksamenar. For sistnemnde er det fastsett nasjonale eksamensdatoar. For lokalgitte eksamenar er det også eit nasjonalt samarbeid om tidspunkt for gjennomføring. Om våren strekkjer eksamsperioden seg over ca. to månader frå midten av april til midten av juni. For elevar i den vidaregåande skulen byrjar som regel eksamen kring 17. mai.

Med det høge talet på eksamensfag og ein kort eksamensperiode må nokre fag parallelleggjast. Dette gjeld spesielt for små fag. For elevar i vidaregåande skule skal det vere avstemt slik at dei får gjennomført sine eksamenar i ein periode. For privatistar kan det skje at det vert kollisjon i ønskja deira, men eksamenskontoret legg til rette etter beste evne.

Det er Utdanningsdirektoratet som fastset eksamensdatoane for sentralgitt eksamen. Den korte eksamensperioden kan føre til at det er naudsynt å avvikle eksamen i vidaregåande skule på same dag som det er eksamen på ungdomsskulen. Fylkesrådmannen vil rette ein førespurnad til UDIR der ein ber om at det ved planlegginga av eksamensperioden vert teke omsyn til at elevar frå ungdomsskulen kan velje å ta fag på vidaregåande nivå.